

Hutttu Faschnacht 2018 Teil 3 – dr sunndig

Am sunndig morge am 10 vor eufi stöh aui Sämpferli parat ufem guet belüftete Brunneplatz. Aui..? Nee, eis Sämpferli chrösed no töif u fescht i sim bettli. Aber ou das wird geweckt u isch no rächtzytig do. Aus ersts lose mer d Fleigä zue. We me sich bewegt isches weniger chaut, auso tänzle mer. Nid aui hei es Märitfrouelituech zum sech wärme!

D Fleigä bedanke sech nomou für üse bsuech a ihrem jubi, und übergäh üs es gschänk zu üsem jubi, ä fläsche grüne wödu mit speziau-etikette. I muesst aber teile, hets gheisse. Na gut. 😊

De si mir dra. Die meischte instrumänt si wider ufgfrore u nachem The Middle ou nüm so chaut. De Run isch gwünscht worde u schnäu isch ersichtlech gsi werum. 6 tröie Sämpferli wo üs leider wärde verloh hei zedle a de instrumänt agmacht mit: Last time we're playin' for you und de Run no emotionaler gmacht. Isch schön gsi, danke öich viu mou! Mir spile no ä chli u mache när de Notefurzer Hinwil platz. Die lege ou ganz ä fetzige uftritt häre, cool gsi. Ah und denn chunnt scho de car, istige! Doch nid. Mir gö id festhütte go apero näh. We när aui d trändli wider tröchned hei gömer es letschts mau go d instrumänt verruume.

Fertig saison. Mi düecht es isch ä gueti saison gsi. Mir hei guet gspiut, cooli nöii stück. Si a coole orte gsi go spile und ou unger enang hei mers guet gha. Das mou eis zickt oder nid zfride isch chas jo gäh. Aber süsch si aui mit aune usecho u heis luschtig gha. I danke öich für öie isatz i de probene und a de uftritte, für die luschtigi reisli u ungerhautsami stundene vor u nach de uftritte. Dir sit ä cooli huufe u i bi stouz uf öich. Es isch geil ä gaugesumpfer zsi!

Bis gli! Öie Tampi